



2023an ORIOKO UDALERRIAN KULTUR, GAZTERIA, INGURUMEN ETA AISIALDI JARDUEREI DIRU-LAGUNTZAK EMATEKO OINARRIAK

Lehenengoa. Helburua

Irabazi asmorik gabeko Orioko kultur, gazteria, ingurumen eta aisialdiko talde zein elkarteei diru-laguntzak emateko oinarriak arautzea da, 2022an sektore horietan egitasmo eta jarduerak burutzeko. Jarduera hauek, betiere, bat egin behar dute Orioko Udalaren kultura, gazteria, ingurumen eta aisialdirako programen helburuekin.

Diru-laguntzak ondorengo atalen baterako eskatu ahal izango dira:

- Orioko kultur, natura eta gazteria erakunde eta taldeen ohiko jarduerak.
- Gazteria, ingurumen edo eta kultur jarduera puntualak: berezko ezaugarriengatik aurreikusi ezin izan diren jarduerak dira, edota aldian behinekoak direlako oinarriotan zehaztutako epean burutuko direnak. Kultura eta Gazteria batzordeari dagokio ekimenaren izaera puntuala zehaztea.
- Kultur-, gazte-, natur- eta aisialdi-egitasmo eta jarduerak, honako gaitan: musika, antzerkia, dantza, folklorea, literatura, aisialdia, artisautza, arte plastikoak, bertsolaritza, ikus-entzunezkoak, ingurumenaren defentsa-zaintza, ondare historiko-arkeologikoa eta kultur aniztasuna.
- Auzoetako festak.

Bigarrena. Finantzazioa.

Deialdi honen helburuak lortzeko 42.500,00 euroko diru kopurua dago Orioko Udaleko 2023. urterako aurrekontuaren partida hauetan:

- 0605.481.01.334.40 2023 “KULTUR jardueretarako dirulaguntza”: 17.500,00 €
- 0612.481.01.338.00 2023 “AUZOETAKO festak: dirulaguntzak”: 6.000,00 €
- 0617.481.01.337.20 2023 “GAZTERIA: dirulaguntzak”: 19.000,00 €

Orioko Udalak baimendutako gastua handitu edo murriztu ahal izango du dauden eskaera guztiak aztertu ondoren. Horrek ez du beste deialdi bat egitea ekarriko.

Hirugarrena. Irizpide orokorrak.

Diru-laguntzen helburua da irabazi asmorik gabeko ekintzak bultzatzea. Diru-laguntza borondatezkoa eta behin-behinekoa da. Berau emateak ez dio Udalari inolako derrigortasunik ekarriko hurrengo deialdiei begira.

Laugarrena. Onuradunak

Diru-laguntza hauek deialdi honetan zehaztutako arloetan kultur-, gazteri-, ingurumen- eta festa-ekintzak egiten dituzten irabazi asmorik gabeko entitate juridiko pribatuek jaso ahal izango dituzte, betiere Orion helbide soziala izanez gero.

Salbuespen gisa, zehazten den kasuetan eta Kultura eta Festak Batzordearen proposamenaz, herritik kanpo kokatutako entitateek ere jaso ahal izango dituzte diru-laguntzak, hain zuzen ere, beren jardueren zati nabarmen bat udalerrriaren barruan garatzen bada edo udalerrriarentzat interesgarritzat jotzen bada.

Entitateek indarrean dagoen legediaren arabera eratuta egon beharko dute, eta Eusko Jaurlaritzako Elkarteen Erregistro Orokorrean izena emanda.

Salbuespen bezala, pertsona eta talde ez erregistratuak ere diru-laguntza jasotzeko aukera izango dute, betiere irabazi asmorik gabeko egitasmoa bada. Aldez aurretik proposamena justifikatuko da eta Kultura eta Festak Batzordean diktaminatu.

Diru-laguntza hauek beste batzuekin batera daitezke; horrela bada, adierazi egin beharko da jarduera bererako bestelako diru-laguntzak eskatu direla.

Bosgarrena: Bazterketak

Deialdi honetatik kanpo honako hauek geratzen dira:

a) Diru-laguntzetarako Lege Orokorren (azaroaren 17ko 38/2003 Lege Orokorra) 13.2 eta 13.3 artikuluetan aurreikusitako kasuetako jarduerak.

b) Direnagatik edo duten helburuagatik Kultura eta Festak sailaren jarduerekin inongo loturarik ez duten jarduerak.

c) Edozein motatako zerga-betebeharrak eguneratuta ez dituzten elkarte edo erakundeek aurkeztutako eskabideak, baita Udalarekin edota Gizarte Segurantzarekin eguneratuta ez daudenak ere. Diru-laguntza eskaerarekin batera, eskatzaileak, zerga-betebeharretan egunean dagoela ziurtatu beharko du.

d) Ez dira aintzat hartuko aurreko edizioetan jasotako diru-laguntza justifikatzeko memoria edo/eta gainontzeko dokumentazioa entregatzeko dituzten jarduerak edo programak.

e) Ez dira aintzat hartuko beren jarduera publikoetan indarrean dagoen legea (jaiotza, arraza, sexu, erlijio iritziagatik diskriminazioaren debekua) betetzen ez duten elkarte edo erakundeak edo pertsonen eskabideak.

f) Onuradunek, indarrean dagoen lege araudia bete beharko dute, besteak beste, Emakume eta Gizonezkoen Berdintasunerako 4/2005 legea. Hortaz, ez zaie diru-

laguntzarik emango kideak aukeratzeko prozesuan edo jardunean sexu-bereizkeria eragiten duten elkarte edo erakundeei.

g) Merkatal enpresak deialdi honetatik kanpo geratuko dira, nahiz eta euren jarduerak zerikusia izan kultur arloarekin.

Seigarrena. Eskabideak.

Diru-laguntza eskatzeko eskari ofizialak erabiliko dira, behar bezala beteak eta sinatuak.

Eskaerak eta ondorengo justifikazioak derrigorrez telematikoki aurkeztu beharko dira www.orio.eus bulego elektronikoa, ziurtagiri digitala (Izenpe, eDNI, Bak@, ...) erabilita.

39/2015 Legea, urriaren 1ekoa, Administrazio Publikoen Administrazio Prozedura Erkidearena, 14. artikuluan (Administrazio publikoekiko harremanak elektronikoki izateko eskubidea eta betebeharra) adierazten duen bezala: “2. *Administrazio-prozedura baten edozein izapide egiteko, honako subjektu hauek, gutxienez, behartuta egongo dira herri-administrazioekin bitarteko elektronikoen bidez harremanetan jartzera:*

- a) *Pertsona juridikoak.*
- b) *Nortasun juridikorik gabeko erakundeak. (...)*”

Eskaera-orriarekin batera, honako dokumentazioa aurkeztu beharko da nahitaez:

Aurkeztu beharreko dokumentazioa.

- a) Diru-laguntza eskaera-orri normalizatua, beteak eta sinatua.
- b) Proiektuaren edo jardueren txostena (I. Eranskina).
- c) Proiektuaren gastu eta sarreraren aurrekontu orekatua (II. eranskina)
- d) Zinpeko aitortpena beteak eta sinatua (III. eranskina)
- e) *Identifikazio Fiskaleko Kodearen dokumentuaren fotokopia (diru-laguntza lehen aldiz eskatzen duten elkarteak).*
- f) *Erakundearen arduradunen NAN fotokopiak (diru-laguntza lehen aldiz eskatzen duten elkarteak).*
- g) *Erakundearen estatutuak eta curriculumak: kideak, helburuak, egiten dituen jarduerak, etab. (diru-laguntza lehen aldiz eskatzen duten elkarteak).*

Agiriok ez aurkezteak diru-laguntza jasotzeari uko egiten zaiola esan nahiko du. Era berean, datuak ezkutatu edo faltsutzeak diru-laguntza hau, edo ondorengoak, jasotzeko eskubide galera ekarriko du.

Aurreko urteetan eskaria egin izan duten erakunde edo taldeek, datuetan aldaketarik izan badute, Kultura eta Gazteria Batzordeari aldaketan berri eman beharko die



Edonola ere, aurkeztutako jarduerari buruzko dokumentazioaz gain, Udalak bestelako informazioa eskatu ahal izango die eskatzaileei, jarduera behar bezala baloratzeko.

Zazpigarrena. Epeak

Eskaera aurkezteko azken eguna: **30 egun natural** deialdia Gipuzkoako Aldizkari Ofizialean argitaratzen denetik.

Dokumentazioa eta informazioa lortzeko eta eskabideak aurkezteko lekua: Orioko Udaleko Informazio eta Erregistro Zerbitzuan, edo informazioa www.orio.eus.

Baldin eta eskatzaileak aurkeztutako dokumentazioa osatu gabe balego, edo oinarri hauetako baldintzak beteko ez balitu, 10 eguneko epean forma-akatsak zuzentzeko edo dokumentazioa osatzeko eskatuko zaió. Gainera, ohartaraziko zaió hala egin ezean, eskaera bertan behera utzi duela ulertuko dela, eta, horrenbestez, eskaera besterik gabe artxibatu egingo dela.

Eskaeraren ale bat erakunde eskatzaileak jasoko du, eta bestea, Kultur Sailera bideratuko da.

Zortzigarrena. Balorazioa irizpideak

Diru-laguntza jaso dezaketen jarduerak honakoak dira: diruz lagundutako jarduerarekin bat etorri eta oinarri hauetan finkatutako epeen barruan egiten direnak, hala nola: kultur-, gazteri-, ingurumen-, eta aisialdi-jarduerak sustatu eta hedatzeko programak edo ekintzak, honako diziplinen barruan daudenak: dantza, antzerkia, musika, folklorea, arte plastikoak, artisautza, aisialdia, literatura, ikus entzunezkoak, ondare historiko-arkeologikoa eta ingurumenaren defentsa eta zaintza (betiere, azaroaren 17ko 38/2003 Legeak, 31.art., Diru-laguntzen Lege Orokorrak, xedatzen duenarekin bat etorriz gero)

Kultur eta gazteri teknikariak aurkeztu diren eskaerak baloratu ondoren prestaturiko txostena Kultura, Gazteria eta Festak Batzordean aurkeztuko du. Batzorde horretan diru-laguntzak diktaminatu egingo dira, hala badagokio. Ondoren, alkate dekretuz onartuko dira, gehienez eskaera jaso eta hiru hilabeteko epean.

Jarduerak baloratzeko irizpideak: gehienez 100 puntu.

Parte- hartzaile, ikusle, antolatzaile kopurua	Puntuak gehienez: 20
<100	5
100-300	10

>300	20
Aurrekontua	Puntuak gehienez: 20
0€-1.500€	0
1.501€-3.000€	5
3.001€-4.500	10
4.501€-6.000€	15
>6.000 €	20
Aurrekontuan elkartean ekarpena	Puntuak gehienez: 15
%25a baino gutxiago jarri du onuradunak	0
%25 - 49 bitartean jarri du onuradunak	5
% 50 - 74 bitartean jarri du onuradunak	10
% 75 - 99 bitartean jarri du onuradunak	15
Emakumezkoen parte-hartzea sustatzeko berariazko ekimenak	Puntuak gehienez: 10
Emakumezkoen eta gizonezkoen parte hartzean oreka lortzeko neurriak ikuskizunean, ikuslegoan eta antolaketan.	2
Genero ikuspegia eta parekidetasun irizpideak txertatzea proiektuetan.	2.
Jardueran ikuspegi estereotipatuak desagerraraztea eta genero-rolak apurtzea sustatzea.	2
Bereizkeria anizkoitza pairatzen duten emakumeen parte hartzea errazteko berariazko neurriak hartzea (adineko emakumeak, etorkinak, alargunak, aniztasun funtzionala dutenak...)	2
Bizitza familiarra, pertsonala eta lanekoa, eta parte hartzea bateragarri egiteko berariazko neurriak hartzea.	2
Herriko beste elkarte edo kolektiboekin elkarlana sustatzea.	Puntuak gehienez: 10
Elkarte 1	5
> 2 elkarte	10
Jarduera proposamenaren kalitatea, honako gaietan: Aurrekontuaren zehaztasuna, Giza baliabideen zehaztasuna, Baliabide materialen zehaztasuna, Egitarau zehatza eta hausnartua , Jardueran berritasunak txertatzea	Puntuak gehienez: 25

Gutxienez diru-laguntzaren %80 ziurtatuko zaie 2022an diru-laguntza jaso zuten elkartei, betiere dagokion partidan dagoen diru kopuruak hori ahalbidetzen badu eta jarritako irizpideen arabera jarduerak kalitatekoak eta bideragarriak direla bermatzen badira.

Diru-laguntzak ezingo du inola ere eskatzaileak egingo duen jardueraren gastua baino handiagoa izan (ez, bere horretan, eta ez beste Administrazio Publiko edo bestelako erakunde publiko nahiz pribatuk emandako diru-laguntzak gehituta).

Bederatzigarrena. Diru-laguntzen ordainketa.

Diru-laguntzaren % 75 diru-laguntza ematea onartzen denean eta gainerako % 25 agiri hauek aurkeztu ondoren:

- a) Diru-laguntza justifikazio-orri normalizatua bete eta sinatua.
- b) Diruz lagundu den programaren edo jardueren memoria (IV.eranskina).
- c) Proiektuaren sarreraren eta gastuen balantze ekonomiko orokorra eta jarduera bakoitzaren balantze xehatua. (V. eranskina)
- d) Fakturen edo gastu egiaztatagiriaren zerrenda zenbakitua. (VI. eranskina)
- e) Egindako gastuen agiriak zerrendan jaso den hurrenkera mantenduz eta agiri bakoitzari dagokion zenbakia jarriaz. Fakturak edota baliokideak. Ez dira gastu-oharrak edo ticket-ak onartuko.

Fakturek gutxienez datu hauek izango dituzte:

- Faktura zenbakia.
- Emaille/hornitzailearen identifikazioa (izena, helbidea, IFK/NAN)
- Zerbitzua/hornidura hartzen duenaren identifikazioa. (Elkartearena, ez partaideren batena)
- Kontzeptua. (zein zerbitzu eman den, zer erosi den, ...)
- Data (epealdiaren barnean)
- Kopurua guztira. (Zergak barne; BEZ, PFEZ, GS, ...)

Salbuespen bezala errezibiak edo hartze-agiriak onartuko dira, betiere honako kasu hauetan:

- Zerbitzu berezi bat eman denean eta zerbitzu horren emaileak fakturarik igorri ezin duenean.
 - Ez da hartu-agiririk onartuko materialaren edo produktuen horniduragatik.
 - Hartu-agiriak gehienez 300 eurokoak izango dira.
- f) Dokumentazio grafikoa (kartelak, programak) edo ikus-entzunezkoak.

Elkarteeak aurkeztutako aurrekontuaren %80a zuritu beharko dute gutxienez.

Diru-laguntzak emateko eta zurrizteko irizpide hauek kontuan hartuko dira:

- Elkarteko kideentzat egiten diren, arrazoitu gabe edo jardueraren parte ez diren ekintza gastronomikoak kontzeptuan gehienez aurrekontu osoaren %8a finantzatuko dira.
- Finantzatzen den jarduerarekin zerikusia ez duten zozketak eta loteriak ez dira kontuan hartuko.
- Txosna eta taberna produktuetan egindako gastuak ez dira kontuan hartuko.



Dokumentazioa aurkezteko epea: jarduera egin eta hurrengo hiru hilabeteen barruan eta, gehienez ere, diru-laguntza eman den hurrengo ekitaldiaren **urtarrilaren 15a baino lehen**.

Behin elkarteek/pertsonak gastuen zuriketak aurkeztu eta bi hilabeteko epea izango du Udalak gastu zuriketa horiek ebazteko.

Hamargarrena. Hizkuntza-betebeharrak

Diru-laguntza eskuratzeko baldintza izango da Orioko Udalak indarrean duen Euskararen Erabilera Normalizatzeko Udal Ordenantzaren 41.2. artikuluan ezarritakoa betetzea: “Kultur, kirol, eta aisi subentzioak ematerakoan hizkuntzaren irizpidea ere kontutan hartuko da. Ondorioz, Orioko Udalaren diru-laguntzaren bat jasotzen duten elkarte eta entitateek, pertsona fisikoek nahiz entitate juridikoek, beren ihardun subentzionatuetan argitaratzen dituzten idatzi, iragarki, ohar eta gainerakoak euskaraz idatzi eta ezagutzera eman beharko dituzte, propaganda ere, bai ahozkoa eta bai idatzizkoa, euskaraz egin beharko dutelarik. Era berean, ospakizun konkretuetan bozgorailu bidez ematen dituzten mezuak ere euskaraz eman beharko dituzte. “

Hamaikagarrena- Publizitatea

Diruz lagundutako jardueri publizitatea egiten zaienean, jarduera bultzatu duen pertsonak edo erakundeak Orioko Udalaren laguntza jaso duela adierazi beharko du, irudi korporatiboa honela erabiliz:

“Laguntzailea:



Hamabigarrena. Ebazpenen berri ematea

Ebazpenak eman eta jakinarazteko epea 3 hilabetekoa izango da gehienez ere, eskabideak aurkezteko epea amaitu eta hurrengo egunetik kontatzen hasita. Kasu guztietan elkarteari ebazpenaren berri emango zaio, diru-laguntza jaso hala ez.

Emandako diru-laguntzan berri Udaleko iragarki taulan emango da. Nahikoa izango da Udaleko iragarki taulan jartzea, emandako diru-laguntza bakoitza 3.000 euro baino gutxiagokoa denean.

Eskatutako diru-laguntza ematearen aldeko edo kontrako berariazko ebazpenak administrazio bidea agortzen du. Ebazpen horren kontra Administrazioarekiko Auzi errekurtsioa jar daiteke, Gipuzkoako Administrazioarekiko Auzitarako



Epaitegian, bi hilabeteko epean, jakinarazpena jaso eta hurrengo egunetik kontatzen hasita, eta nahi izanez gero, Administrazioarekiko Auzi-errekurtsoa jarri aurretik, Berraztertze Errekurtsoa jar dakiok ebazpena eman zuen organoari.

Hamahirugarrena- Baldintzak ez betetzea

Oinarri hauetan ezarritako betebeharren bat betetzen ez bada diru-laguntza berraztertu egingo da eta, hala badagokio, baliogabetu edo emandako diru kopurua itzuli egin beharko da.

Diru-laguntzak itzultzeko prozedura ofizioz hasiko da, laguntza edo diru-laguntza eman zuen organoaren eskariz, eta, hala badagokio, emandako diru-laguntza baliogabetzea, murriztea edo itzultzea erabaki ahal izango da, behar bezala arrazoituta. Prozeduraren izapideetan interesatuaren entzute eskubidea bermatuko da.

Hamalagarrena- Klausula osagarriak

Diru-laguntzak jasoko dituzten jarduera batzuek, ezaugarrien arabera, 17/2019 dekretua, otsailaren 5ekoa, jendaurreko ikuskizunen eta jolas-jardueren Legea garatzeko arautegia onartzen duena eta horrekin lotutako segurtasun-arloko bestelako araudia bete beharko dute.

Onuradunek tokian tokiko eta dagokion gobernuak ezartzen dituen segurtasun irizpide eta neurriak hartuko ditu ezinbesteko arrazoiengatik finantzatutako jardueren bertan behera edo atzerapena gertatzen bada, hau da, hondamendi naturalengatik, euri-jasengatik, larrialdi-egoeragatik edo antzekoengatik.

Oinarrion interpretazioan edo ezarpenean sor litezkeen zalantzak dagokion udal batzordeak erabakiko ditu.

Araudia urtero berrikusiko da.